

四庫全書

史部

欽定四庫全書

史部

明集禮卷二十一

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官中書_臣孫球

謄錄監生_臣謝錫位

欽定四庫全書

明集禮卷二十

嘉禮四

冊皇太子

總序

自夏后氏傳位於啟商周因之皆立嫡長為世子至漢高祖五年即皇帝位立子盈為皇太子而始有皇太子之稱然猶未行冊拜之禮至明帝時禮文始著于史其

制則皇帝臨軒百官會位皇太子當御座受冊璽再拜
三稽首此皇太子親受冊于天子之始也北齊及唐既
有臨軒冊授之典而兼有遣使內冊之儀蓋因皇太子
年有長幼而冠服制度亦各不同臨軒冊之者以其年
長可以行禮故服遠游冠絳紗袍而天子面授之也內
冊之者以其年幼未能行禮故服雙童髻空頂幘而遣
使冊於其宮太師抱之以受冊也至宋則惟用臨軒冊
命元則惟遣使內冊皆不以年之長幼而異其制焉國

朝冊立皇太子先期奏告天地宗廟皇帝臨軒行冊拜禮而皇太子受冊畢有朝中宮謁太廟與諸王羣官行禮之制今集歷代禮物儀文以著于篇

冠服

皇帝冊太子臨軒冠服唐用袞冕宋用通天冠絳紗袍元用其國服皇太子受冊冠服漢用朝服玄冠絳衣北齊用遠游冠絳紗袍幼則空頂幘服隋冕旒九章唐遠游冠絳紗袍幼則雙童髻絳紗袍至開元中肅宗為皇

太子以絳紗袍同於皇帝所服上表請易乃改絳紗袍之名為朱明服宋服遠游冠朱明衣始執桓圭元初用其國服後嘗議服袞冕而未之用國朝冊立皇太子皇帝臨軒服袞冕皇太子受冊冕服九章歷代之制並見于冠服篇

車輅

周禮巾車掌王五輅其一金輅以封同姓注曰同姓謂王子及母弟也至漢皇太子則乘安車魏晉因之宋齊

梁皆乘象輅後魏北齊皆乘金輅隋乘金輅赤質金飾
駕四馬唐宋並因之元無其制國朝皇太子受冊乘金
輅歷代之制並見于車輅篇

冊

漢晉北齊及唐皆有冊以命皇太子而不詳其冊之制
宋太宗立壽王為皇太子用珉玉簡六十前後四枚刻
龍填金如捧護之狀貫以金絲首尾結為金花飾以帔
鍤覆以紅羅泥金夾帕藉以錦褥盛以黥漆匣長尺九

五寸濶一尺二寸高八寸裝以金葉刻為金地合羅枝條隱起花覆以紅羅泥金夾帕絡以紅絲結絲觀以法錦褥安以黥漆匣用金塗縷銀花鳳葉裝加以腰輿行馬飾皆花鳳條以魚鈎竿為螭首後又有用簡七十者蓋隨文之多少為簡數也元冊皇太子亦以玉為冊其文真書鐫刻內填以金其簡從文之多少以定數每簡長尺二寸濶一寸二分厚五分聯以金縷首尾結帶前後四簡琢為龍形若捧護之狀縷以金藉以錦覆以紅

羅泥金夾帕冊匣長廣取容其冊塗以朱漆金裝隱起
突龍鳳金鎖錯匣上又以紅羅繡盤龍盛金帕覆之承
以鍍金裝長于牀龍首鍍金魚鈎藉匣褥以錦緣又以
紅絲條紫匣外其行馬飾以鍍金冊案用朱漆覆以紅
羅銷金衣國朝立皇太子用金冊二片每片依周尺長
一尺二寸濶五寸厚二分五釐字則依數分行鐫刻真
書每片側邊上下有竅用紅條聯貫開闔如今書帙之
狀背用紅錦嵌護藉以紅錦小褥冊盪以木為之飾以

渾金漚粉蟠龍用紅紵絲襯裏內以紅羅銷金小袂褱
冊外以紅羅銷金夾袂褱之五色小條縈于匣外臨冊
之日置於紅漆輿案案頂有紅羅漚水用檐床二舉之

冊文

漢冊皇太子不載其冊文之詞唐太宗冊晉王治為皇
太子其文曰於戲惟爾并州都督右武侯大將軍晉王
治忠肅恭懿宣慈惠和仁孝發于自然信義備于成德
禎祥夙著睿哲日新永言少陽七鬯是寄疇咨朝列卿

士叶從是用命爾為皇太子往欽哉爾其思王道之艱
難遵聖人之炯戒勤修六德勉行三善無或舉非法度
忘恭儉而好驕奢無或理乖彝倫遠忠良而近邪佞非
履道無以揚名非任賢無以成德爾身為善國家以安
爾身為惡天下以殆睦九族而禮庶僚懷萬姓而憂遐
裔兢兢業業無怠無荒克念爾祖宗以寧我社稷可不
慎歟宋太宗冊壽王為太子其文曰朕受乾坤之眷佑
承億兆之推崇旰食宵衣納隍馭朽兢兢業業日慎

一日故能躋動植於壽域致華夷於大同載稽古先歷
覽圖史萬邦之本元良是正守器承祧莫斯為重徽章
綈禮自我而行蓋聖王之盛典也咨爾壽王粹稟天地
量吞海嶽忠孝備於君父友愛敦乎弟兄達刑政禮樂
之源著宣慈惠和之美邁五官之才藻叶九齡之吉夢
滄雷攸震重離克明早分茅土實尹都邑誠以接物仁
以撫民每見賢而思齊知為善之最樂予懋乃德嘉乃
勲爰闢重華俾膺主鬯詢彼中外契於著龜今冊爾為

皇太子仍改名恒於戲正身足以率下去邪在乎勿疑
罔咈昌言必通端士企大中之道鑒無逸之篇戒矜伐
則功愈高師勤儉則福彌久日新爾令望永保我不基
戒之哉欽承簡冊之休命元仁宗冊皇太子其文曰朕
仰遵太祖世祖成憲永惟天下之本實重元良之建咨
爾某以嫡以長諸王勲戚請正儲位繼承皇太后之意
乃允僉言授以金寶立爾為皇太子紀綱中書之政令
綜理宥府之樞機積有日矣廷臣敷奏當行冊禮今遣

太尉持節授爾玉冊於戲益勉爾事親之孝廣推予睦族之恩以脩身養德為要以親賢愛民為務欽哉尚隆我祖宗之洪業國朝冊立皇太子其文曰皇家建儲禮從長嫡天下之本在焉朕起自田野當羣雄混淆就功於多艱之際今基業以成命爾為皇太子於戲爾生王宮為首嗣乃天意所屬焉茲位正東朝其敬天惟謹且撫軍監國爾之職也六師兆民自他國而歸我宜守以仁信恩威悉當悅服其心用永固于邦家尚慎戒之

寶

漢制皇太子用黃金印龜鈕其文曰皇太子章晉用金璽龜鈕綬四采赤黃縹紺宋齊梁皆因之北齊用黃金為之方一寸龜鈕其文曰皇太子璽唐用黃金方一寸文曰皇太子寶宋亦用黃金方二寸厚五寸係以朱組大綬連玉環金斗金檢長五寸濶二寸厚二分悉裹以紅錦加紅羅泥金帕納於小盂盂以金裝內設金牀又盂二重皆覆以紅羅銷金帕盂及腰輿行馬皆銀裝金

塗元用黃金為之廣三寸六分雙龍鈕用蒙古字刻其
文隱起內填以金譯曰皇太子寶綬用暈錦大綬赤小
綬連玉環又玉檢高七寸廣二寸四分皆飾以金累以
紅錦及紅羅泥金夾帕納於小盃盃以金裝內設金牀
暈錦褥飾以玻瓈碧鈿珊瑚金精石瑪瑙又盃二重皆
裝以金覆以紅羅繡帕承以鍍金裝長干牀鍍金魚鈎
藉盃以錦褥其行馬飾以鍍金寶案用朱漆覆以紅羅
銷金衣國朝皇太子金寶龜鈕朱綬文用篆書曰皇太

子寶依周尺方五寸九分厚一寸七分寶池用金濶取容寶寶匣二副每副三重外匣用木飾以渾金瀝粉盤龍紅紵絲襯裏中匣用金釵造蟠龍內小匣仍用木飾以渾金瀝粉蟠龍紅紵絲襯裏小匣內置以寶座四角雕蟠龍飾以渾金座上用小錦褥褥上一置寶一置寶池寶復用銷金小夾袱裹之其匣外各用紅羅大夾袱覆之臨冊日置於紅漆輿案案頂有紅羅瀝水用檐床二舉之

節

漢臨軒冊皇太子不用持節北齊遣使持節內冊皇太子禮而無其制唐節制上畫木盤三相去數寸隅垂赤麻銅龍一首紫縑為袋油囊為表其內冊皇太子則遣使持節至東宮宋臨軒冊皇太子不用持節元節制金塗竿上施圓盤朱絲拂八層韜以黃羅雲龍袋其冊皇太子則遣攝太尉持節至東宮國朝皇帝臨軒行冊皇太子之禮不用持節

樂

唐臨軒冊皇太子展宮懸於殿庭皇帝出入奏太和之
曲皇太子出入奏舒和之曲其內冊皇太子亦陳樂懸
於其東宮殿庭宋臨軒冊皇太子展宮懸於殿庭皇帝
出入奏乾安之曲皇太子出入奏明安之曲元冊皇太
子用雲和安和之樂各一部國朝冊立皇太子皇帝臨
軒用大樂如朝賀儀詳見于俗樂篇

儀仗

唐制臨軒冊皇太子設黃麾仗及鉞戟近仗若內冊則設屯門列仗於東宮宋臨軒冊皇太子設黃麾仗元冊皇太子設內外儀仗用七百四十八人國朝皇帝臨軒冊皇太子其儀仗與朝賀儀仗同

執事

漢臨軒冊皇太子則謁者掌引贊及稱制中常侍掌持璽綬司空掌讀冊北齊臨軒冊皇太子則使者掌授冊尚書掌授璽綬中庶子掌受皇太子所受璽綬皇太子

幼而內冊則主司二人掌奉冠服中庶子中舍人掌奉表章詣闕謝唐臨軒冊皇太子則尚舍奉御掌設御幄座守宮掌設皇太子及羣官次太樂令掌設宮懸及舉麾位協律郎掌舉麾偃麾鼓吹令掌設十二案乘黃令掌陳車輅奉御掌陳輿輦典儀掌設百官客使版位奉禮掌設百官客使門外版位左庶子掌啟皇太子內嚴外備僕掌進皇太子金輅及授綬執轡左內率掌執刀立輅前贊善掌請發引及傳輅降輅及承宣令旨舍人

掌引禮諸衛掌列仗侍中掌奏中嚴外辦及奏禮畢符
寶郎掌奉御寶典儀掌贊禮贊者掌承傳黃門侍郎掌
奉冊寶令史二人掌對舉案中書侍郎掌引冊寶案及
取璽綬授中書令中書令掌稱制讀冊及奉璽綬以授
皇太子左庶子掌授皇太子所受冊璽持案者掌持冊
璽案通事舍人掌引羣官其內冊皇太子則太尉為正
使司徒為副使守宮掌設使副次及宮臣文武官次諸
衛掌陳列仗伶官師掌展軒懸之樂掌筵掌設皇太子

受冊位掌儀掌設百官版位於殿庭奉禮掌設百官版位於朝堂謁者掌引使副就次掌次掌筵使副入次通事舍人掌引百官左庶子掌啓內嚴外備及贊皇太子禮及受冊璽以授皇太子典直掌引使副入閣司徒掌取冊璽綬以授太尉太尉掌稱制宣冊掌書二人掌授皇太子冊璽綬主節者掌持節其皇帝臨軒遣使執事與遣使冊后同宋臨軒冊皇太子則殿中監掌帥尚舍設御座香案施簾大晟掌設宮懸協律郎掌舉麾儀鸞

司掌設皇太子次及百官行事官東宮官次及冊寶幄次尚輦掌陳輿輦太僕掌陳五輅尚輦掌列御馬尚書兵部掌帥其屬設黃麾仗典儀掌贊禮及設承制受冊權置冊寶褥位及行事官贊者位贊者掌承傳大樂正掌率樂工大司樂掌押樂管勾內臣掌承制降冊寶奉冊寶官掌率執事人舉奉冊寶中書侍郎掌押冊門下侍郎掌押寶禮直官通事舍人太常博士禮儀使掌引導皇帝皇太子及冊寶案中允掌進皇太子桓圭及禮

畢押寶中舍舍人掌禮畢押冊左輔掌奏中嚴外辦及承制宣制以寶授皇太子右弼掌讀冊以授皇太子符寶郎掌奉寶右庶子掌受皇太子所受冊寶元冊皇太子太尉一員司徒一員持節官一員奉冊官一員引冊官二員舉冊官二員讀冊官二員侍儀使二員主當內侍五員副持節一員代禮官十員清道官二員警蹕二員拱衛使二員折衝都尉八員殿中侍御史二員糾儀御史二員方輿官四十員侍香官四員知班四員侍儀

司引禮官四十負國朝冊拜皇太子其執事見于儀注

陳設

唐臨軒冊皇太子設御幄於太極殿北辟下南向設皇太子次於東朝堂之北西向設羣官次於東西朝堂設宮懸於殿庭設舉麾位於上下設十二案於建鼓之外陳車輅輿輦設皇太子位及典儀贊者位于殿庭及門外諸衛勒所部列黃麾仗及鈿戟近仗入陳於殿庭其內冊皇太子則設冊使次於重明門外道西副使次又

於其西俱南向又設宮臣文武官次於東宮朝堂設皇太子羽儀車輿及樂懸等並如元日受朝儀設皇太子受冊位設宮臣版位於殿庭及朝堂諸衛率所部陳屯門列仗其皇帝臨軒命使陳設則與冊皇后臨軒同宗臨軒冊皇太子則設御座於大慶殿當中南向設東西房於御座之左右稍北設東西閣於殿後之左右殿上前楹施簾設香案於丹墀螭陛間設宮懸之樂於殿庭橫街之南設舉麾位於宮架西北東向設押樂位於宮

架之北北向設皇太子次於大慶殿門外之東西向設文武百僚應行事官等次於大慶殿門外及朝堂之內外設冊寶幄次二於殿後東廂俱南向陳輿輦於龍墀繖扇於沙墀陳五輅於殿庭玉輅在中金輅在東象輅次之革輅在其前木輅次之玉輅稍前俱北向列御馬於龍墀在輿輦之後東西相向設黃麾仗於殿門之內外設皇太子受冊位及承制官位設贊者及應行事官位設權置冊寶褥位於近東稍北西向冊在北寶在南

又於皇太子受冊位前東西北向設褥位一以俟右弼
奉冊左輔奉寶又於奉冊寶位之北設褥位一以俟左
輔宣制右弼讀冊元冊皇太子則設發冊案於大明殿
御座西發寶案於東設香案於皇太子東宮殿上設冊
案於西寶案于東又設受冊案於殿內坐榻之西受寶
案於東設太尉冊使副位及冊官寶官位設禮儀司及
主節官位皆于大明殿庭皇太子殿庭亦如之國朝臨
軒冊皇太子陳設詳見于儀注圖本

班位

漢冊皇太子百官會位皇太子當御座殿下北面立司空當太子西北東面立唐制皇帝御太極殿皇太子位在橫街之南道東北向典儀位在懸之東北贊者二人在南少退皆西向文武官諸親蕃客朝集使諸州使人初就位於門外次入就位於殿庭皆如冊皇后臨軒之儀其內冊皇太子則皇太子受冊位在東宮殿庭之階間北向文官五品以上位在懸東六品以下位在橫街

之南皆西面北上武官五品以上位於懸西六品以下
在橫街之南皆東面北上其朝堂班位如常儀其皇帝
臨軒發冊班位則與冊皇后臨軒同宋冊皇太子於大
慶殿則皇太子位在殿庭橫街之南北向承制官位在
御座之東西向典儀位在宮架東北贊者二人位在南
少退俱西向應行事官位在宣制褥位北西向其三公
以下文武百僚班位東西相向如正至朝會之儀元制
冊皇太子則使副位在大明殿庭中冊官位于左寶官

位于右禮儀使位於前主節官位於左其文武百司自
一品至九品序列于崇天門外文班自外傍折位入日
精門武官自外傍折位入月華門各就東西起居位立
定然後就丹墀位國朝臨軒冊皇太子其班位詳見于
儀注

奏告

唐冊皇太子先期卜日遣官奏告圓丘方丘宗廟天地
用玉幣酒脯宗廟用香幣酒脯宗亦遣官告天地宗廟

禮與唐同併告社稷瀆山川在京十里內神祠用籩
豆酒脯元制遣官奏告天地于南郊及奏告宗廟用香
酒行一獻之禮今擬國朝冊立皇太子先期遣官奏告
天地宗廟用香幣酒脯行一獻禮

謝皇帝

北齊及唐皆有內冊皇太子之禮北齊則受冊畢遣中
庶子中舍人乘輅車奉奏章詣闕謝皇帝唐受冊畢則
雙童髻絳紗袍詣皇帝所御殿司賓贊再拜而退元皇

太子內受冊畢侍儀官同庶子導詣皇帝殿庭四拜國
朝臨軒冊皇太子別無謝皇帝之儀

朝中宮

唐制皇太子受冊畢仍服遠游冠絳紗袍舍人引皇太
子三師三少導從詣皇后所御殿閣外皇后首飾褱衣
出即御座司賓引太子再拜於庭其內冊者皇太子受
冊畢則雙童髻絳紗袍入謝皇后於中宮宋制皇太子
受冊畢入內朝見皇后如宮中之儀元制皇太子受冊

畢侍儀同庶子導皇太子詣皇后前謝恩四拜今擬國
朝皇太子受冊後朝見皇后於中宮

謁太廟

唐制皇太子受冊畢所司轉鹵簿仗衛於永安門西俟
朝皇后訖皇太子仍服遠游冠絳紗袍乘金輅至廟三
師三少導從入廟至位率更令奏請皇太子再拜少頃
奏辭皇太子又再拜出乘金輅還宋制皇太子受冊後
宿齋於東宮所司陳鹵簿於東宮門外皇太子服遠游

卷二十一
冠朱明衣乘金輅至廟服袞冕執圭亦行前後再拜之
禮禮畢易朝服陞輅還元制遣官恭謝太廟作樂用饌
禮行三獻而無皇太子謁廟之儀今擬國朝皇太子受
冊禮畢擇日恭謁太廟

賀禮

漢冊皇太子畢三公陞階上殿賀皇帝壽萬歲而不詳
其儀東晉冊皇太子議朝臣奉賀上禮國子博士車胤
云百辟卿士咸與盛禮展敬拜伏不須復上禮唯方伯

牧守不親大禮自非酒牢無以表誠故宜上禮太學博士庾弘之議按武帝咸亨中諸王新拜有司近臣諸王公上禮今皇太子國之儲副既已崇建普天同慶謂應上禮奉賀又議王公以下見皇太子儀車肩以為朝臣宜朱衣襴幘拜見太子太子答拜唐制皇太子受冊畢羣臣上禮賀皇帝則就東朝堂叙位禮部郎中以表授中書舍人羣臣再拜中書舍人奉表入進其宮臣上禮賀皇太子則就東宮朝堂叙位通事舍人以表授太子

舍人羣官再拜太子舍人奉表入進其在外諸州等官並進表稱賀皇帝宗皇太子受冊畢羣臣稱賀皇帝於紫宸殿如正至之儀其賀詞曰某官臣某等官伏惟皇帝陛下盛德克昌至慈垂裕元良茂建典冊崇成臣等忝備班僚無任慶忭侍中宣答賀詞曰朕寅御基圖叠建儲嗣上尊宗廟下愜黎元典禮備成與卿等同慶賀禮畢陳文武官所進馬於庭舍人奏某官姓名以下進奉其羣官賀皇太子禮則真宗天禧二年立昇王為皇

太子禮畢有正衙賀禮中書門下五品尚書省御史臺
四品諸司三品皇太子皆答拜四品以下及東宮官皆
受拜元皇太子受冊畢還府陞殿百官皆拜賀班首進
酒衆官皆再拜舍人同翰林官奉箋目箋章及禮物啓
目以次進讀次日乃賀皇帝於大明殿殿前班諸王太
子妃后駙馬拜訖次百官入丹墀拜賀進酒及舍人奏
讀表目表章國朝皇太子受冊訖次日羣臣上表上箋
稱賀皇帝服袞冕御奉天殿受賀文武官並朝服行禮

其箋則內使監官奉入中宮皇太子常服於東宮受賀
羣臣常服行禮皇后首飾褱衣受內外命婦賀在外有
司進表箋稱賀

會禮

唐冊皇太子畢皇帝會羣臣其禮與元會儀同但上壽
詞曰具官某等稽首言皇太子岐嶷夙著令月吉日光
踐承華臣等不勝大慶謹上千萬歲壽皇后會外命婦
其禮亦與元會儀同但其上壽詞曰具位妾姓等言皇

太子岐嶷夙著令月吉日光踐承華妾等不勝大慶謹
上千萬歲壽其皇太子會羣官亦如元會儀其賀詞云
伏惟殿下固天攸縱德業日新式光宸宮普天同慶某
等情百常品不勝欣躍左庶子宣令答云某以不敏夙
恭禮訓祇奉朝命慚懼惟深宋制皇帝會羣臣則御紫
宸殿會三公以下文武官作樂三舉酒尚食進御食太
官設羣官食初則班首進皇帝酒次則殿中監少監進
酒而無皇太子會羣臣禮其皇后會外命婦則於賀禮

畢宣外命婦入皇后常服行宮中宴會之儀今擬國朝
皇太子受冊畢皇帝會羣臣於謹身殿皇太子侍坐皇
后會內外命婦於宮中

奏告圓丘儀注

其禮見祀天篇

奏告方丘儀注

其禮見祭地篇

奏告宗廟儀注

其禮見宗廟篇

冊拜皇太子儀注

前期一日內使監官陳御座香案于奉天殿如常儀尚
寶司設寶案于御座前侍儀司設詔書案于寶案之前
冊案寶案于殿中冊案在東寶案在西冊寶亭一座于
丹陛之東皇太子拜位於丹陛上及御座前俱北向授
冊寶官位于殿上皇太子拜位之東西向讀冊寶官位
於授冊寶官之北西向捧進冊寶官位于讀冊寶官之

南西向受冊寶內使二人位于殿上皇太子拜位之西
舁冊寶亭內官八人位于丹陛冊寶亭之東設承制官
承制位于殿內之西宣制位于殿門外東北捧詔官位
于殿內之東內贊二人位于殿內皇太子拜位之北東
西相向贊禮二人位于丹陛上之南東西相向知班二
人位于丹墀中文武官侍立班之南糾儀御史二人位
于知班之北俱東西相向文武百官齊班位于午門外
東西以北為上文官侍立位于文樓之北西向武官侍

立位于武樓之北東向使臣僧道耆老侍立位于文官
侍立位之南俱西向殿前班指揮司官三人位于丹陛
之西東向光祿寺官三人位于丹陛之東西向侍從班
起居注給事中殿中侍御史侍儀使尚寶卿侍立位于
殿上之東侍從班武官指揮使侍立位于殿上之西拱
衛司官二人侍立位于殿中門之左右典牧所官二人
位于仗馬之南宿衛鎮撫二人位于丹墀階前東西相
向護衛百戶二十四人位于宿衛鎮撫之南稍後東西

相向護衛千戶八人位于殿東西門之左右將軍二人
位于殿上簾前東西相向將軍四人位于丹陛之四隅
東西相向將軍六人位于奉天殿門之左右將軍六人
位于奉天門之左右鳴鞭四人位于丹陛之南北向引
文武官舍人四人位于文武官侍立位之北稍後東西
相向引使臣僧道耆老舍人二人位于引文官舍人之
下禮部官同內使監官安奉詔書於殿內案上及於冊
寶亭中匣盃內取冊寶置于殿內冊寶案上冊在前寶

在後內使舁冊寶亭就位禮部官交付內使監官守護
其日侵晨擊鼓初嚴金吾衛陳甲士於午門外東西旗
仗於奉天門外之東西拱衛司陳儀仗於丹陛之東西
及丹墀之東西陳車輅於文武樓之南典牧所陳仗馬
於車輅之南虎豹於奉天門外和聲郎入陳樂于丹墀
之南所司備鼓樂儀衛司備儀仗於奉天門外伺候迎
送冊寶至東宮舍人二人催文武百官各具朝服承制
官捧詔官糾儀官贊禮知班典儀內贊司辰殿前班宿

衛鎮撫護衛典牧司官拱衛司官殿內外將軍輦冊寶
亭內使俱入就位擊鼓次嚴舍人引文武百官齊班于
午門外尚寶卿侍從官侍衛官各服器服俱詣謹身殿
奉迎擊鼓三嚴侍儀奏中嚴御用監官奏請上位于謹
身殿具袞冕啓請皇太子於奉天門具冕服引班分引
文武百官使客僧道耆老各入侍立位侍儀版奏外辦
上位御輿以出尚寶卿捧寶及侍儀導從警蹕如常儀
上位將出仗動大樂鼓吹振作陞御座樂止將軍捲簾

尚寶卿以寶置于案拱衛司鳴鞭司辰報時訖引進四人引皇太子入奉天東門樂作陞自東階由殿東門引入引進立候於門外內贊接引至丹陛拜位引禮分立於左右樂止捧受冊寶內使由西陛陞俱入就丹陛立位知班於丹墀中唱班齊贊禮於丹陛上唱鞠躬拜興拜興平身皇太子鞠躬樂作拜興拜興平身樂止內贊唱承制官稍前承制官前立於殿西內贊唱跪承制官跪承制訖由殿中門出立於門外稱有制贊禮唱跪皇太

子跪宣制云封長子某

若已封王者則曰某王某

為皇太子畢贊禮

唱俯伏興平身皇太子俯伏興平身承制官由殿西門

入跪於殿西云傳制畢復位贊禮唱鞠躬拜興拜興平

身皇太子鞠躬樂作拜興拜興平身樂止贊禮唱行冊

禮畢引皇太子由殿東門入樂作引禮立於門外內贊

接引至御座前拜位樂止內贊唱跪皇太子跪內贊唱

受冊寶捧冊寶官於案前跪捧冊授讀冊寶官內贊唱

讀冊讀冊寶官跪讀冊訖以冊授丞相丞相搢笏受冊

內贊唱皇太子搢圭皇太子搢圭內贊唱受冊丞相以冊跪授於皇太子捧受冊寶內使跪於皇太子西捧冊興立於皇太子西捧冊寶官又於案前跪捧寶授讀冊寶官內贊唱讀寶讀冊寶官跪讀寶訖以寶授丞相丞相受寶捧寶跪授于皇太子捧受冊寶內使跪於皇太子西捧寶興立於捧冊內使之下內贊唱出圭皇太子出圭內贊唱俯伏興平身皇太子俯伏興平身內贊唱復位引皇太子出樂作內使捧冊捧寶前導出至殿東門引

禮引皇太子復位樂止內使以冊寶置于冊寶亭盂匣
中退立於丹陛之東贊禮唱鞠躬拜興拜興拜興拜興
平身皇太子鞠躬樂作拜興拜興拜興拜興平身樂止
內使舁冊寶亭前行引禮導皇太子由東階降樂作出
奉天門樂止引禮引皇太子詣東耳房伺候於中宮行
禮內使舁冊寶亭東門出至西道儀仗鼓吹前迎百官
迎送至東宮安奉冊寶於殿內禮部尚書跪奏用寶詣
案捧詔書尚寶卿用寶以詔書置于案禮部尚書於殿

西跪奏云捧詔赴午門開讀興捧詔官捧詔由中門出
樂作由中陞降引禮引丹墀文武官迎詔書出奉天門
樂止開讀於午門外其儀見朝會篇開宣訖侍儀贊禮畢百官
迎詔至中書省頒行執事入報侍儀奏禮畢鳴鞭上位
興樂作還宮樂止

謝中宮儀注

皇太子受冊之日內使監官陳設皇后御座於中宮殿
上皇太子拜位於殿庭正中及御座前內贊二人位于

殿上拜位之東西司贊二人位於丹墀拜位之東西陳設儀仗於殿庭之東西擎執于殿上之左右樂工陳樂於殿庭之南皇太子於奉天殿受冊畢司賓引皇太子仍具冕服至中宮外門東向立內使監官啓聞皇后首飾褱衣出殿樂作陞御座樂止司賓引皇太子由東階陞樂作就丹墀拜位樂止司賓分立於其前司贊唱鞠躬拜興拜興拜興拜興平身皇太子鞠躬樂作拜興拜興拜興拜興平身樂止司賓引皇太子由殿東門入樂作

至殿上拜位樂止司賓分立於其前內贊唱跪皇太子
跪皇太子恭謝曰小子某茲受冊命謹詣母后殿下恭
謝謝畢內贊唱俯伏興平身皇太子俯伏興平身司賓
引皇太子由殿東門出樂作出復位樂止司贊唱鞠躬
拜興拜興拜興拜興平身皇太子鞠躬樂作拜興拜興
拜興拜興平身樂止司賓唱禮畢內使監官啓禮畢皇
后興樂作還宮樂止內官引皇太子出

諸王賀東宮儀注

皇太子受冊之日內使監官設皇太子座於東宮侍儀司設諸王拜位于殿庭階上及殿上正中贊禮二人位于殿庭王拜位之東西內贊二人位于殿內王拜位之東西文武官侍立位於殿庭之東西將軍六人位于殿門之左右拱衛司設儀仗於殿庭之左右樂工設樂於宮門之外伺皇太子於中宮行禮畢引禮引諸王便服至東宮門外西向立引進引皇太子便服出宮樂作陞殿樂止引禮引諸王由東階陞樂作至殿庭階上拜位

樂止贊禮唱鞠躬拜興拜興拜興平身諸王鞠躬
樂作拜興拜興拜興平身樂止引禮引諸王居長
者由殿東門入樂作引禮立於門外內贊接引至殿內
拜位樂止內贊贊禮同唱跪諸王皆跪長王恭賀曰小
弟某茲遇長兄皇太子榮膺冊寶不勝欣忭之至謹率
諸弟詣殿下稱賀賀畢內贊贊禮同唱俯伏興平身諸
王皆俯伏興平身引禮引長王由東門出樂作復位樂
止贊禮唱鞠躬拜興拜興拜興平身諸王鞠躬樂

作拜興拜興拜興平身樂止贊禮唱禮畢引進啓
禮畢皇太子興樂作還宮樂止引進引諸王以次出

諸王賀中宮儀注

皇太子受冊之日內使監官陳設皇后御座於中宮殿
上諸王拜位於殿庭正中及御座前內贊二人位于殿
上拜位之東西司贊二人位于諸王丹墀拜位之東西
陳設儀仗於殿庭之東西擎執於殿上之左右樂工陳
樂於宮門之外諸王於東宮行賀禮畢司賓引諸王具

冕服至中宮外門東西立內使監官啓聞皇后首飾褱
衣出殿樂作陞御座樂止司賓引諸王由東階陞樂作
入就丹墀拜位樂止司賓分立於其前司贊唱鞠躬拜
興拜興拜興拜興平身諸王鞠躬樂作拜興拜興拜興
拜興平身樂止司賓引諸王居長者由殿東門外入樂
作至殿上拜位樂止司賓分立於其前內贊司贊同唱
跪諸王皆跪長王恭賀曰小子某茲遇長兄皇太子榮
膺冊寶不勝懼慶謹率諸弟詣母后殿下恭賀賀畢內

贊同唱俯伏興平身諸王皆俯伏興平身司賓引長王
由殿東門出樂作出復位樂止司贊唱鞠躬拜興拜興
拜興拜興平身諸王鞠躬樂作拜興拜興拜興拜興平
身樂止司賓唱禮畢內使監官啓禮畢皇后興樂作還
宮樂止內官引諸王以次出

百官稱賀進表箋儀注

其禮與冊皇后畢上表箋儀同

百官進箋賀東宮儀注

前期內使監官陳設皇太子位于東宮正殿如常儀侍儀司設箋案位于殿下及殿上正中文武官拜位于殿下文東武西每等異位重行北向設宣箋官位于殿下箋案之西展箋官位于宣箋官之下知班二人位于文武官拜位之北東西相向贊禮二人位于知班之北東西相向內贊二人位于殿上東西相向引文武班舍人四人位于文武班之北稍後東西相向是日宿衛陳兵仗於東宮外門之東西陳旗仗於中門外之東西相向

將軍六人於殿門之東西拱衛司陳儀仗於殿庭階上下之東西和聲郎陳樂於文武官拜位之南內使擎執於殿上之左右文武官進箋至午門前禮部官以箋函置於案舍人舉入東宮門外恭候行禮文武官於奉天殿行賀禮畢常服詣東宮文東武西分立於門外受箋官通贊贊禮知班內贊各入就位引進啓外備皇太子常服出宮至殿門樂作陞殿樂止舍人舉箋案入宣箋官展箋官押案置于庭各就位引班引文武官入就位

知班唱班齊贊禮唱鞠躬拜興拜興拜興拜興平身丞
相以下皆鞠躬樂作拜興拜興拜興拜興平身樂止贊
禮唱進箋受箋官進至案之東北引班引丞相至案前
丞相跪捧箋興與宣箋官展箋官由西陞陞西門入至
殿內置于案退立於殿南正中內贊唱跪贊禮唱衆官
皆跪丞相與丹墀百官皆跪內贊唱宣箋宣箋官詣案
前取箋跪宣于殿西展箋官同跪展箋宣箋官宣箋畢
俯伏興退立于西展箋官以箋復于案退立于西內贊

贊禮同唱俯伏興丞相與百官皆俯伏興平身丞相與宣箋官展箋官由殿西門出西陛降復位贊禮唱鞠躬拜興拜興拜興拜興平身丞相以下皆鞠躬樂作拜興拜興拜興拜興平身樂止贊禮唱禮畢引進啓禮畢舍人舉箋案出皇太子興樂作引進引還宮樂止引禮引文武官以次出

內外命婦賀中宮儀注

至日司賓引內外命婦各服其服各伺于中宮門外之

左右伺皇太子入行賀禮畢內使監官啓聞司賓二人
先引外命婦由西門入序立於庭中左右二人引內命
婦入就拜位司贊唱班齊唱拜興拜興拜興拜興內命
婦以下皆拜樂作興拜興拜興樂止司賓引班首
由西階陞西門入樂作至御前樂止內贊司贊唱跪班
首及衆內命婦皆跪班首稱某封某妾某等茲遇皇太
子榮膺冊命恭詣皇后殿下稱賀賀畢內贊司贊同唱
興班首及衆內命婦皆興司賓引班首西門出西陞降

復位司贊唱拜興拜興班首以下皆拜興樂
作拜興拜興拜興樂止司賓二人引外命婦入就拜位
唱拜興拜興拜興班首以下皆拜樂作興拜興拜
興拜興樂止司賓引班首由西陞陞西門入樂作至御
座前樂止內贊司贊同唱跪班首以下皆跪班首稱賀
曰妾某氏等茲遇皇太子榮膺冊命恭詣皇后殿下稱
賀賀畢內贊司贊同唱興班首以下皆興司賓引班首
由西門出西陞降司贊唱拜興拜興拜興班首以

下皆拜樂作興拜興拜興樂止司賓引內婦以次
出

欽定四庫全書

卷二十一

冊皇太子升殿版位

明集禮卷二十 三十四

文官侍立位

引班

引班

護衛 護衛 護衛 護衛 護衛 護衛 護衛 護衛 護衛 護衛

宿衛鎮撫

位立侍官武

引班

引班

護衛 護衛 護衛 護衛 護衛 護衛 護衛 護衛 護衛 護衛

宿衛鎮撫

丹陛版位

明集禮卷二十 三五

典儀

典儀

天武將軍

天武將軍

鳴鞭

鳴鞭

鳴鞭

鳴鞭

贊禮

贊禮

皇太子拜位

員三官司揮指

元執事司三司

護衛

護衛

護衛

護衛

護衛

護衛

護衛

護衛

天武將軍

天武將軍

拱衛司官

衛司官

將軍

將軍

將軍

將軍

將軍

將軍

門

門

門

殿上版位

明集禮卷二十 二十六

皇太子拜位

內贊

內贊

授冊寶官

授冊寶官

授進冊寶官

授進冊寶官

授進冊寶官

授進冊寶官

授進冊寶官

授進冊寶官

班從侍官

班從侍官

班從侍官

欽定四庫全書

明集禮卷二十一

嘉禮五

冊親王

總序

古者王世子之下皆曰衆子至漢立嫡長為皇太子而
又立諸子為王若高祖封齊王肥趙王如意等是也然
冊拜之禮猶未之聞至武帝元狩六年廟立子闕為齊

王旦為燕王胥為廣陵王此冊親王於廟之始也後漢永平十七年臨軒冊拜諸王有百官會位王受冊再拜三稽首之禮而皇子為王者得分茅土歸立社稷北齊亦臨軒冊拜而又有王第與州鎮就冊之儀及夫唐制則臨軒冊禮尤為詳備冊親王則天子服袞冕王出入奏樂非親王則天子服通天冠絳紗袍王出入不奏樂此又諸王隆殺之等也宋凡降制立諸王雖有備禮冊命之文皆上表辭免而不行惟以綵輿儀仗奉迎官告

還第元亦降制命之不行冊禮國朝冊命親王先期奏告宗廟至日皇帝臨軒冊拜年幼者遣丞相傳制迎送冊寶至王宮門外內官聽制復迎冊寶入宮仍傳制保抱抱王前受冊寶禮畢百官聽詔於午門外王於中宮東宮恭謝詣諸王殿各行賀禮及受羣官賀次日皇太子於奉天殿中宮稱賀百官上稱賀表箋謹身殿中宮皆行錫宴禮王擇日謁太廟今集歷代冊拜禮物儀文以著于篇

冠服

按諸王服袞冕九章即周上公之服其遠游冠絳衣則始於漢隋諸王受冊服袞冕九章唐受冊服遠游冠三梁黑介幘青綾金附蟬絳紗單衣皇帝臨軒冠服則用通天冠絳紗袍若冊親王則服袞冕宋諸王服七梁冠朱衣朱裳以辭免不見於冊禮國朝冊親王皇帝臨軒服袞冕親王服遠游冠絳紗袍歷代之制詳見冠服篇

車輅

周制金輅以封同姓謂王子母弟以功德出封若魯衛之屬即今之諸王也漢制皇太子為王乘安車晉制王乘青蓋車宋皇子為王亦得乘皇太子之安車唐宋諸王皆乘象輅國朝親王受冊乘金輅歷代之制詳見車輅篇

冊

漢冊諸王其冊制編竹簡為之每簡長三尺短者半之篆書其文唐因漢制謂之策書宋命諸王皆辭免冊禮

止用制書元亦降制以封諸王故無簡冊之制今國朝親王用金冊二片上鐫真書每片依周尺長一尺二寸闊五寸厚二分五釐字則依數分行每片側邊上下有竅用紅條聯貫開闔如今書帙之狀背用紅錦嵌護藉以紅錦小褥冊盡以木為之飾以渾金瀝粉蟠螭用紅紵絲襯裏內以紅羅銷金小袂裏冊外以紅羅銷金夾袂覆之五色小條縈于匣外臨冊之日置于紅漆輿案案頂有紅羅瀝水用檐床二舉之

冊文

漢武帝立子閼為齊王其文曰維元狩六年四月乙巳
皇帝使御史大夫湯廟立子閼為齊王曰於戲小子閼
受茲青社朕承祖考維稽古建爾國家封于東土為漢
藩輔於戲念哉恭朕之詔惟命不于常人之好德克明
顯先義之不圖俾君子怠悉爾心允執其中天祿永終
厥有愆不臧乃凶于而國害于而躬於乎保國艾民可
不敬歟王其戒之唐太宗貞觀十二年冊韓王元嘉其

文曰於乎肇自黃唐洎於漢晉莫不敦睦親戚任用賢能咸胙疆土世為藩翰惟爾使持節潞沁韓澤四州諸軍事潞州刺史韓王元嘉識量沈厚業尚脩整夙稟超庭之訓早膺析珪之寵上黨與壤地連秦晉開國之典攸歸按部之譽允穆是用率由故實光備寵章式固維城傳之永世朕聞曰詩書禮樂仁義之府也孝友忠信人倫之基也是以河間之賢在於脩學東平之譽成於為善往欽哉爾其覽載籍之旨求聖賢之訓戒茲邪僻

以仁厚為心勗彼急荒以重慎為德乃服明命勿替敬
典可不慎歟宋元皆用制書故無冊文國朝封皇子某
為秦王其冊文曰維洪武三年歲次庚戌四月己未朔
越七日乙丑皇帝若曰昔君天下者祿及有德貴子必
王此人事耳然居位受福國于一方尤簡在帝心小子
今命爾為某王分茅胙土豈易事哉朕起自農民與羣
雄並驅十有七年艱苦百端志在奉天地饗神祇張皇
師旅伐罪救民時刻弗怠以承大業今爾固其國者當

敬天地在心不可踰禮以祀其宗社山川依時享之謹
兵衛恤下民必盡其道於乎奉天勤民藩輔帝室克脩
厥德則永膺多福體朕訓言尚其慎哉其燕王晉王吳
王楚王齊王潭王趙王魯王詞同皇姪孫封靖江王其
冊文曰維洪武三年歲次庚戌四月己未朔越七日乙
丑皇帝若曰稽古帝王撫有方夏茂建親支所以敦族
固本其來尚矣朕以布衣遭時弗靖躬歷行伍乘運開
基艱難有年遂成丕業是皆天地眷佑祖宗積德之由

今朕既為天子追念吾兄以爾守謙兄之孫也俾王靖江以鎮廣海之域於乎其思予創業之難謹爾受封之制毋忘訓言益脩厥身永為國家藩輔尚慎戒哉

寶

漢制諸王金璽索馳鈕其文曰某王之璽鎰色綬後漢金印龜鈕纁朱綬晉宋齊梁皆用金璽龜鈕纁朱綬唐用銅印宋因之方二寸一分塗以金元諸王印金鑄者其鈕有龍獸螭龜索馳之異大者方四寸二分小者方

二寸九分銀鑄金鍍者其鈕有駝龜三臺之異大者方三寸一分五釐小者方二寸八分其銀鑄三臺直鈕者大者方三寸一分五釐小者方二寸九分蓋因其郡國之大小品秩之高下而異其制也國朝親王金寶龜鈕依周尺方五寸二分厚一寸五分其文曰某王之寶綬用朱寶池用金闊取容寶寶匣二副每副三重外匣用木飾以渾金瀝粉蟠螭紅紵絲襯裏中匣用金釵造蟠螭內小匣仍用木飾以渾金瀝粉蟠螭紅紵絲襯裏小

匣內置以寶座四角雕蟠螭飾以渾金座上用小錦褥
褥上一置寶一置寶池寶用銷金紅羅小夾袂裏之其
匣外各用銷金紅羅大夾袂覆之臨冊日置於紅漆輿
案案頂有紅羅瀝水用檐床二舉之

節

漢廟立諸王後漢及唐皆臨軒冊諸王不用持節蓋以
天子親命故也北齊冊禮又有鴻臚卿持節至王第之
儀蓋天子不親命而遣使故也其節之制不著于文國

朝冊拜親王行臨軒之禮不復用節

樂

兩漢北齊及隋冊諸王不著用樂之文至唐臨軒冊命諸王則設宮懸之樂於殿庭皇帝出入奏太和之曲親王出入奏舒和之曲若非親王則出入不奏樂國朝冊拜親王皇帝臨軒用大樂與朝會同其制見于俗樂篇

儀仗

漢廟立諸王後漢北齊及隋冊拜諸王其儀仗未見於

禮唐冊諸王臨軒設黃麾半仗及陳鉞戟近仗國朝皇帝臨軒冊親王其儀仗與朝賀同

執事

漢臨軒冊諸王謁者掌引禮中謁者掌贊禮光祿勳掌宣制詔讀策尚書郎掌奉璽綬侍御史掌授璽綬北齊臨軒冊諸王吏部令史掌賫召版詣王第尚書掌讀冊授章綬若就王第冊命則鴻臚卿掌持節吏部尚書掌授冊與使者使者掌讀冊及授冊章綬於王博士掌讀

版若王在州鎮則使者掌受節冊如王第儀隋臨軒冊
諸王內使令掌讀冊授冊若冊開國王則郊社令掌奉
茅土唐臨軒冊諸王尚舍奉御掌設御幄守宮掌設羣
官次太樂令掌展宮懸及舉麾位鼓吹令掌設十二案
乘黃令掌陳車輅尚輦奉御掌陳輿輦諸衛掌設黃麾
半仗典儀掌設羣官版位奉禮掌設羣官門外位贊引
及典謁掌引禮符寶郎掌奉御寶通事舍人掌引禮令
史二人掌對舉冊案侍中掌奏外辦中嚴協律郎掌舉

麾偃麾中書舍人掌引冊案中書令掌稱制讀冊以授
王國朝冊拜親王其執事見于儀注

陳設

唐制冊諸王則設御幄於太極殿北壁南向設羣官次
於朝堂展宮懸於殿庭設舉麾位於上下設十二案陳
車輅於庭輿輦於龍墀設黃麾半仗及鈸戟近仗於殿
庭設受冊者及羣官版位又設典儀贊者位及羣官門
外位國朝冊拜親王臨軒陳設見于儀注圖本

班位

漢臨軒冊諸王百官會位隋臨軒冊諸王百司定列唐冊諸王則文官一品以下五品以上在樂懸東六品以下在大橫街南俱西向北上武官一品以下在懸西六品以下在橫街南俱東向北上受冊者位於大橫街之南北面典儀位在懸之東北二人在南少退俱西向其門外位則文官於東朝堂西面武官於西朝堂東面各異位重行北上國朝冊拜親王皇帝臨軒其班位見于

儀注圖本

奏告

周制凡命諸侯告祖廟行一獻之禮漢武帝立齊燕廣陵三王策書有廟立之文則必行告廟之禮矣光武封皇子輔英等為公亦先命太常擇吉日使大司馬融以太牢告祠宗廟唐冊諸王不行告廟今擬國朝將冊親王先期遣官告太廟行一獻之禮

謁廟

漢冊諸王于廟故再無謁廟之禮北齊諸王受冊畢則謁拜宗廟唐冊諸王其謁廟與否皆臨時聽敕國朝親王受冊畢擇日恭謁太廟如時享儀

冊拜親王儀注

前期一日內使監官陳御座香案于奉天殿如常儀尚寶司設寶案于御座前侍儀司設詔書案于寶案之前寶冊案五座於殿中寶冊亭十座於丹陛上之東皇太子侍立位于御座之東諸王拜位于丹陛上及御座前

俱北向授冊寶官于殿上親王拜位之東北向讀冊寶官位於授冊寶官之北西向捧進冊寶官位於讀冊寶官之南西向受冊寶內使二十人位於殿上王拜位之西舉冊寶亭內使四十人位于丹陛冊寶亭之東

每亭舉者

四設承制官承制位于殿內之西宣制位于殿門外東北捧詔官位于殿內之東內贊二人位于殿上王拜位之北東西相向贊禮二人位于丹陛王拜位之北東西相向典儀二人位于丹陛上之南東西相向知班二人

位于丹墀中文武官侍立班之北糾儀御史二人位于知班之北俱東西相向文武百官齊班位于午門外之東西以北為上文官侍立于文樓之北西向武官侍立位于武樓之北東向使臣僧道耆老侍立于文官侍立位之南俱西向殿前班指揮司官三人侍立位于丹陛之西東向光祿寺官三人侍立位于丹陛之東西向侍從班起居注給事中殿中侍御史侍儀使尚寶卿侍立位于殿上之東侍從班武官指揮使侍立位于殿

上之西拱衛司官二人侍立位于殿中門之左右典牧
所官二人侍立位于仗馬之南宿衛鎮撫二人位于丹
墀階前東西相向護衛百戶二十四人位于宿衛鎮撫
之南稍後東西相向護衛千戶八人位于殿東西門之
左右將軍二人位于殿上簾前東西相向將軍四人位
于丹陛上之四隅東西相向將軍六人位于奉天殿門
之左右將軍六人位于奉天門之左右鳴鞭四人位于
丹陛之南北向引文武官舍人四人位于文武官侍立

位之北稍後東西相向引使客僧道耆老舍人二人位

于文官舍人之下禮部官同內使監官安奉詔書於殿

內案上及於冊寶亭中盥匱內取冊寶置于殿內冊寶

案上

每案二冊在前二寶在後

內使舉冊寶亭以序各設于位

每亭冊盥

一寶

禮部官交付內使監官守護其日侵晨擊鼓初嚴

金吾衛陳甲士於午門外之東西陳旗仗于奉天門外之東西拱衛司陳儀仗於丹陛之東西及丹墀之東西陳車輅於文武樓之南典牧所陳仗馬於奉天門外和

聲郎陳樂于丹墀之南舍人二人催文武百官各具朝服承制官捧詔官糾儀官贊禮知班典儀內贊司辰殿前班宿衛鎮撫護衛典牧所官拱衛司官殿內外將軍舉冊寶亭內使俱入就位擊鼓次嚴舍人引文武百官齊班于午門外尚寶卿侍從官侍衛官各服器服俱詣謹身殿奉迎擊鼓三嚴侍儀奏中嚴御用監官奏請上位於謹身殿具袞冕啓請皇太子於奉天門具冕服親王具遠游冠絳紗袍引班分引文武百官使客僧道耆

老各入侍立位侍儀版奏外辦上位御輿以出尚寶卿
奉寶及侍儀導從警蹕如常儀上位將出仗動大樂鼓
吹振作陞御座

樂止

將軍捲簾尚寶卿以寶置于案拱

衛司鳴鞭司辰報時訖引進四人引皇太子引禮官四

人引親王俱由奉天東門入

樂作

陞自東陞皇太子由

殿東門入引進立候於門外內贊接引至侍立位親王

入至丹陛拜位引禮分立於左右

樂止

捧受冊寶內使

由西陞陞俱入就丹陛立位知班於丹墀中唱班齊贊

禮於丹陛上唱鞠躬拜興平身親王鞠躬樂作拜

興拜興平身樂止內贊唱承制官稍前承制官前立於

殿西內贊唱跪承制官跪承制訖由殿中門出立於門

外稱有制贊禮唱跪親王皆跪宣制云封皇子某為某

王皇姪孫某為某王畢贊禮唱俯伏興平身諸王皆俯

伏興平身承制官由殿西門入跪于殿西云傳制畢復

位贊禮唱鞠躬拜興平身親王鞠躬樂作拜興拜

興平身樂止贊禮唱行禮引禮引秦王由殿東門入樂

作引禮立於門外內贊接引秦王入至御座前拜位樂

止內贊唱跪秦王跪內贊唱授冊寶捧冊寶官於案前
跪捧冊授讀冊寶官內贊唱讀冊讀冊官跪讀冊訖以
冊授丞相丞相搢笏受冊內贊唱搢圭秦王搢圭內贊唱
授冊丞相以冊跪授於秦王捧受冊寶內使跪於王西
捧冊興立於王西捧冊寶官又於案前跪捧寶授讀冊
寶官內贊唱讀寶讀寶官讀訖以寶授丞相丞相受寶
捧寶跪授於秦王捧受冊寶內使跪於秦王西捧寶興

立於捧冊內使之下內贊唱出主秦王出主內贊唱俯
伏興平身秦王俯伏興平身內贊唱復位引秦王出樂
作內使捧冊捧寶前導出至殿東門引禮引秦王復位

樂止

內使以冊寶置于冊寶亭盥匱中退立于丹陛之
東引進引以次親王四位入殿授冊寶及內使捧授皆
如上儀俱畢贊禮唱鞠躬拜興拜興拜興拜興平身秦
王以下皆鞠躬拜興拜興拜興拜興平身樂止內使舉
親王五位冊寶亭前行引禮導親王俱由東階降樂作

奉迎冊寶官奉迎出奉天門東門

樂作其儀別見

內贊唱承制

官稍前丞相前立於殿西內贊唱跪丞相跪承制讀冊
官讀寶官舉年幼親王四位冊寶俱自中門出內使舉
冊寶亭至丹陛中讀冊讀寶官以冊寶置于盂匣中舉
冊寶亭者前行授冊寶官丞相一同由中陛降讀冊寶
官由西門入殿復位捧受冊寶內使四人由西陛降從
丞相轉由丹墀謹身殿之東入至王宮門外舉冊寶亭
者以冊寶亭暨駐於門外正中內使監官出迎于階西

於冊寶亭西南跪東北向授冊寶丞相東北立西南向
稱有制宣制曰封皇子某為某王某為某王畢授冊寶
官丞相出內使監官迎冊寶入宮中

其儀別見

禮部尚書跪

奏用寶詣案捧詔書尚寶卿用寶以詔書置于案授冊

寶官丞相由王宮門出至奉天殿前丹墀西轉由西陞

陞自西門入跪云宣制訖俯伏興引禮引靖江王入殿

樂作

受冊寶官引至殿東門立候於門外內贊引靖江

王入御座前拜位

樂止

內贊唱跪靖江王跪內贊唱授

冊捧進冊寶官於案前跪捧冊授讀冊寶官內贊唱讀
冊讀冊寶官跪讀訖以冊授丞相丞相搢笏受冊內贊
唱搢圭靖江王搢圭內贊唱授冊丞相以冊授靖江王
捧受冊寶內使跪於王西捧寶興立于王西捧進冊寶
官於案前跪捧寶授讀冊寶官內贊唱讀寶讀冊寶官
跪讀寶訖以寶授丞相丞相受寶捧寶跪授於靖江王
捧受冊寶內使跪於王西捧寶興立于捧冊內使之下
內贊唱出圭靖江王出圭內贊唱俯伏興平身靖江王

俯伏興平身內贊唱復位引靖江王出

樂作

內使捧冊

捧寶前導出至殿門東引禮引靖江王復位

樂止

贊禮

唱鞠躬拜興拜興拜興拜興平身靖江王鞠躬

樂作

拜

興拜興拜興拜興平身

樂止

內使舉靖江王冊寶亭前

行引禮導靖江王由東陞降

樂作

奉迎冊寶官奉迎出

奉天東門

其儀別見

禮部尚書於殿中跪奏云捧詔赴午門

開讀興捧詔由中門出

樂作

由中陞降授冊寶丞相

等官由西門出西階降丹墀文武官迎詔書出奉天門

樂

止開讀於午門外其儀見朝賀篇內宣讀訖侍儀贊禮畢百官

迎詔至中書省頒行執事入報侍儀奏禮畢鳴鞭上位

興樂作還宮引進入東門至殿上導引皇太子出樂止

迎親王冊寶安奉親王殿儀

是日令所司備鼓樂儀衛司備儀仗於奉天門西右順門東伺候親王受冊畢出至奉天門東門引禮引親王詣東耳房伺候於中宮行禮內使舉冊寶亭東門出至西道儀仗鼓樂前行迎送官迎至親王殿各以序安奉

於殿內

親王年幼內宮行冊禮儀注

親王受冊之日內使監官陳設香案於內殿正中設保
抱抱王受冊位於香案之南設授冊寶內使監官於香
案之東捧受冊內使位于保抱抱王受冊位之西捧受
寶內使位於捧受冊內使之南司贊二人位於保抱受
冊位之東西丞相奉迎冊寶至王宮門外樂作內使監
官跪聽制訖丞相出內使監官迎冊寶亭入宮中置於

香案之北

樂止

初保抱抱王由東門入

樂作

至香案前

受冊位北面立

樂止

樂工陳樂于殿庭之南司贊唱行

冊禮內使監官前立稱有制內贊唱跪抱抱王皆跪

內使監官宣制曰今封某為某王某為某王畢內贊唱

興保抱抱王興內贊唱授冊寶司賓引保抱一人抱某

王前立授冊寶監官詣案取冊捧授於保抱抱受冊

以授于捧受冊內使捧受冊內使跪于保抱之左受冊

興退立于西捧授冊寶監官又詣案取寶捧授于保抱

保抱受寶以授于捧受寶內使捧受寶內使跪于保抱之左受寶興退立于西以次授冊授寶皆如上儀訖內贊唱禮畢樂作司賓引保抱抱王退樂止執事各以冊寶置于亭中安奉

親王謝中宮儀注

親王受冊之日內使監官陳設皇后御座於中宮殿上親王拜位於殿庭正中及御座前內贊二人位于殿上拜位之東西司贊二人位于親王丹墀拜位之東西陳

設儀仗於殿庭之東西擎執於殿上之左右樂工陳樂
於宮門之外親王於奉天殿受冊畢司賓引親王仍具
遠游冠絳紗袍至中宮外門東向立內使監官啓聞皇
后首飾褱衣出殿

樂作

陞御座

樂止

司賓引親王由東

階陞

樂作

入就丹墀拜位

樂止

司賓各立於其前司贊

唱鞠躬拜興拜興拜興拜興平身親王鞠躬

樂作

拜興

拜興拜興拜興平身

樂止

司賓引秦王由殿東門外入

樂作

至殿上拜位

樂止

司賓分立於其前內贊司贊同

唱跪秦王以下皆跪秦王恭謝曰小子某及諸弟等茲受封冊謹詣母后殿下恭謝謝畢內贊司贊同唱俯伏興平身秦王與諸王皆俯伏興平身司賓引秦王由殿

東門出

樂作

出復位

樂止

司贊唱鞠躬拜興拜興拜興

拜興平身親王鞠躬

樂作

拜興拜興拜興拜興平身

樂

止司賓唱禮畢內使監官啓禮畢皇后興

樂作

還宮

樂

止內使引親王以次出

親王謝東宮儀注

親王受冊之日內使監官陳設皇太子座於東宮侍儀司設親王拜位於殿庭階上及殿上正中贊禮二人于殿庭王拜位之東西內贊二人位於殿內王拜位之東西文武官侍立於殿庭之東西將軍六人位于殿門之左右拱衛司設儀仗於殿庭左右樂工設樂於宮門之外親王於中宮行禮畢引禮引親王便服至東宮門外西向立引進引皇太子便服出宮樂作陞殿樂止引禮引諸王由東階陞樂作至殿庭階上拜位樂止贊禮唱

鞠躬拜興拜興平身親王鞠躬樂作拜興拜興平身樂

止引禮引秦王由殿東門入樂作引禮立於門外內贊

接引秦王至殿內拜位樂止內贊贊禮同唱跪秦王以

下皆跪秦王恭謝曰小弟某等茲受封冊謹詣皇太子

長兄殿下恭謝謝畢內贊贊禮同唱俯伏興平身引禮

引秦王由東門出樂作復位樂止贊禮唱鞠躬拜興拜

興平身親王鞠躬樂作拜興拜興平身樂止贊禮唱禮

畢引進啓禮畢皇太子興樂作還宮樂止引進引親王

以次出引禮引文武官以次出

親王自行賀禮儀注 百官賀諸王附

親王受冊之日儀衛司於西宮親王殿依親王長幼陳設座位侍儀司設文武官陪立位於殿庭之東西拜位於庭中文東武西內贊二人位於殿內東西相向拱衛司陳設親王儀仗於殿前之東西樂工陳樂於殿庭之南贊禮各就位親王於東宮行禮畢引禮引親王便服入殿門 樂作陞座樂止文武官入立於殿庭之東西引

禮引晉王以下詣秦王前行禮贊禮唱鞠躬拜興拜興

拜興拜興平身晉王以下皆鞠躬樂作拜興拜興拜興

拜興平身樂止引禮引燕王以下詣晉王前行賀禮及

以次親王行禮皆如賀秦王儀贊禮唱禮畢引禮引文

武官入就拜位贊禮唱鞠躬樂作拜興拜興拜興

平身樂止引禮引丞相由西門入引禮立於門外丞相

至殿上拜位內贊贊禮同唱跪丞相及庭中文武官皆

跪丞相稱賀曰銀青榮祿大夫中書左丞相李某等茲

遇親王殿下榮膺冊寶封建禮成無任欣抃之至賀畢
內贊贊禮同唱俯伏興平身丞相及庭中文武官皆俯
伏興平身丞相出引禮引復位贊禮唱鞠躬樂作拜興
拜興拜興拜興平身樂止贊禮唱禮畢內贊啓禮畢親
王興樂作出殿門樂止引禮引文武官以次出

百官稱賀上表箋儀注

親王受冊寶禮既畢至晚內使監於奉天殿陳設御座
香案尚寶司設寶案於香案之北侍儀司設表案位於

香案之北侍儀司設表案位於香案之南又設表箋案位於丹墀北之正中設皇太子拜位於丹陛上及御前正中親王陪拜位各以長幼序於皇太子拜位之南設文官起居位於丹墀之東南西向武官起居位於丹墀之西南東向文官拜位於丹墀中之東北每等異位重行北向西上武官拜位於丹墀中之西北每等異位重行北向東上殿前班諸執事起居位於武官起居位之北東向侍從班諸執事起居位於文官起居位之北西

向殿前班指揮司官三員侍立位於丹陛上之西東向
光祿寺官三員侍立位於丹陛上之東西向侍從班文
官立位於殿上之東侍從班武官立位於殿上之西拱
衛司官二員侍立位於殿中門之左右典牧所官二員
侍立位於仗馬之前東西相向受箋內使監官一員位
于丹墀表案之東西向宣表官一員展表官二員位於
丹墀表箋案之西東向糾儀御史二人位于展表官之
南東西相向內贊二員位于殿上東西相向典儀二人

位於丹陛上之南東西相向知班二人位于文武官拜位之北東西相向通贊贊禮二人位于知班之北東西相向通贊在西贊禮在東引文武班舍人四人位于文武官拜位之北稍後東西相向引殿前班舍人二人位于引武班之南東向舉表案舍人二人於引文班之南西向宿衛鎮撫二人位于丹陛東西階下東西相向護衛百戶二十四人位于宿衛鎮撫之南稍後東西相向護衛千戶八人位于殿東門之左右將軍二人位于殿

上簾前東西相向將軍六人位于殿門之前東西相向
將軍四人位于丹陛上四隅東西相向將軍六人位于
奉天門東西相向鳴鞭四人位于丹陛上之南北向其
日侵晨金吾衛陳兵仗於午門外之東西陳旗仗於奉
天門外之東西拱衛司陳儀仗於丹陛之東西及丹墀
之東西陳車輅於丹墀之南典牧所陳仗馬於文武樓
南之東西虎豹於奉天門之東西和聲郎陳樂於丹墀
文武官拜位之南內使監官擎執於御座之左右侍儀

司舍人舉表案入就殿上案位舍人二人舉表案伺候
於午門外文武官具朝服迎表至雲集橋舍人引殿前
班司贊贊禮內贊宿衛鎮撫護衛鳴鞭各人入就位侍
儀侍從入迎車駕上位陞謹身殿侍儀版奏中嚴御用
監官奏請上位服袞冕皇太子親王於奉天門東耳房
具冕服文武官迎表至午門前置龍亭於道中禮部官
取表函置于案舍人舉案宣表官展表官押表案引丞
相前行文武官分班俱由西門入至丹墀中禮部官押

表案於丹墀正中各就位文武官各入就起居位侍儀
奏外辦導引上位御輿以出仗動鼓吹振作尚寶卿捧
寶前導侍衛如常儀上位陞御座樂止尚寶卿捧寶置
於案將軍捲簾拱衛司鳴鞭司晨報時雞唱訖諸侍從
官殿前班拱衛司官由西階降引班引同宣表官受表
官受箋內官俱入起居位東西相向立定通班唱某衛
指揮使臣某以下起居引班唱鞠躬平身指揮以下鞠
躬平身引班東西分引至丹墀中拜位北面立贊禮唱

鞠躬拜興拜興平身指揮以下皆鞠躬

樂作拜興拜興

平身

樂止

贊禮唱指揮使稍前指揮使前立贊禮唱鞠

躬指揮以下皆鞠躬贊禮唱聖躬萬福唱平身指揮使

以下皆平身唱復位指揮使復位唱鞠躬拜興拜興平

身指揮使以下皆鞠躬

樂作

拜興拜興平身

樂止

通班

唱各恭事引班引指揮以下官各就位引進四人導皇

太子親王由東門入

樂作

由東陞陞至拜位

樂止

引進

分立於其前唱鞠躬拜興拜興拜興拜興平身皇太子

親王鞠躬

樂作

拜興拜興拜興拜興平身

樂止

引進引

皇太子由殿東門入

樂作

引進立俟於門外內贊接引

皇太子至御座前拜位

樂止

內贊引進同唱跪皇太子

親王皆跪皇太子稱賀云長子某茲遇諸弟某等受封

建國謹詣父皇陛下稱賀賀畢內贊引進同唱俯伏興

平身皇太子親王俯伏興平身內贊引皇太子出殿東

門

樂作

內贊唱復位引進引皇太子復位

樂止

引進唱

鞠躬拜興拜興拜興拜興平身皇太子親王皆鞠躬

樂

作拜興拜興拜興拜興平身樂止引進引皇太子親王

東陞降樂作至文樓樂止司晨再報時訖通班唱具丞

相銜臣某以下起居引班唱鞠躬平身文武官相向鞠

躬平身引班東西分引入丹墀中拜位丞相初行樂作

至位樂止知班唱班齊贊禮唱鞠躬拜興拜興拜興拜

興平身文武官皆鞠躬樂作拜興拜興拜興拜興平身

樂止贊禮唱進表箋引班引丞相及平章詣表箋案前

丞相跪奉表興平章跪捧箋進於受箋官受箋內使監

官接箋入中宮啓聞平章興引班引復位丞相捧表與宣表官展表官由丹墀西陞陞西門入至殿中丞相跪進表于案退立於殿南正中內贊唱跪贊禮唱跪丹墀百官皆跪內贊唱宣表宣表官詣案取表跪讀于殿西展表官同跪展表宣表官宣訖俯伏興展表官以表置于案訖內贊與贊禮同唱俯伏興平身丞相與丹墀百官皆俯伏興平身與宣表展表官由殿西門出西階降復位贊禮唱鞠躬拜興拜興拜興拜興平身文武官鞠

躬

樂作

拜興拜興拜興拜興平身

樂止

贊禮唱搢笏三

舞蹈跪三拱手加額山呼萬歲山呼萬歲再山呼萬萬

歲出笏俯伏興拜興拜興拜興拜興平身文武官皆搢

笏三舞蹈三拱手加額山呼萬歲山呼萬歲再山呼萬

萬歲

樂工應聲呼之

出笏俯伏興

樂作

拜興拜興拜興

拜興平身

樂止

贊禮唱禮畢侍儀奏禮畢鳴鞭上位興

樂作

導引還謹身殿

樂止

舍人舉表案出引班引文武

官以次出

皇太子賀中宮儀注

親王受冊次日內使監官陳設皇后御座於中宮殿上
皇太子拜位於露臺正中親王陪拜位序於其後設皇
太子行禮位於御座前內贊二人位於殿上拜位之東
西陳設儀仗於殿庭之東西擎執於殿內之左右樂工
陳樂於宮門之外皇太子於上位前行賀禮畢司賓引
皇太子親王各具冕服至中宮門外東向立內使監官
啓聞皇后首飾褱衣出殿

樂作

陞御座

樂止

司賓引皇

太子親王由東階陞樂作入就露臺上拜位樂止司賓

分立於其前司贊唱鞠躬拜興拜興拜興拜興平身皇

太子親王皆鞠躬樂作拜興拜興拜興拜興平身樂止

司賓引皇太子由殿東門入樂作至殿內拜位樂止司

賓分立於其前內贊唱跪皇太子跪稱賀曰長子某茲

遇諸弟某等受封建國謹詣母后殿下稱賀畢內贊唱

俯伏興平身皇太子俯伏興平身司賓引皇太子東門

出樂作復位樂止司賓唱鞠躬拜興拜興拜興拜興平

身皇太子親王皆鞠躬

樂作

拜興拜興拜興拜興平身

樂止

司賓唱禮畢內使監官啓禮畢皇后興

樂作

還宮

樂止

內官引皇太子親王以次出

內外命婦賀中宮儀注

至日司賓引內外命婦各服其服各伺于中宮門外之
左右伺皇太子入行賀禮畢內使監官啓聞司賓二人
先引外命婦由西門入序立于庭中左右二人引內命
婦入就拜位司贊唱班齊唱拜興拜興拜興拜興內命

婦班首以下皆拜

樂作

興拜興拜興拜興

樂止

司賓引

班首由西階陞西門入

樂作

至御前

樂止

內贊司贊唱

跪班首及衆內命婦皆跪班首稱某封某妾某等茲遇

親王受封建國恭詣皇后殿下稱賀畢內贊司贊同唱

興班首及衆內命婦皆興司賓引班首西門出西階降

復位司贊唱拜興拜興拜興班首以下皆拜

樂作

興拜興拜興

樂止

司賓引內命婦出司賓二人引

外命婦入就拜位唱拜興拜興拜興班首以下皆

拜

樂作

興拜興拜興拜興

樂止

司賓引班首由西門入

樂作

至御座前

樂止

內贊司贊同唱跪班首以下皆跪

班首稱賀曰妾某氏等茲遇親王受封建國恭詣皇后殿
下稱賀賀畢內贊司贊同唱興班首以下皆興司賓引班
首由西門出西階降司贊唱拜興拜興拜興拜興班首
以下皆拜樂作興拜興拜興拜興樂止司賓引外命婦
以次出

諸王受冊百官進箋東宮儀

前期內使監官陳設皇太子位於東宮正殿如常儀侍儀司設箋案位于殿下及殿上正中文武官拜位於殿下文東武西每等異位重行北向設宣箋官位于殿下箋案之西展箋官位於宣箋官之下知班二人位于文武官拜位之北東西相向贊禮二人位於知班之北東西相向贊二人位于殿上東西相向引文武班舍人四人位于文武班之北稍後東西相向是日宿衛陳兵仗於東宮外門之東西陳旗仗於中門外之東西將軍

六人於殿門之東西拱衛司陳儀仗於殿庭階上下之
東西和聲郎陳樂於文武官拜位之南內使擎執於殿
上之左右文武官進箋至午門前禮部官以箋函置於
案舍人舉入東宮門外恭候行禮文武官於奉天門行
賀禮畢常服詣東宮文東武西分立於門外受箋官通
贊贊禮知班內贊各入就位引進啓外備皇太子常服
出宮至殿門樂作陞殿樂止舍人舉箋案入宣箋官展
箋官押案置于庭各就位引班引文武官入就位知班

唱班齊贊禮唱鞠躬拜興拜興拜興拜興平身丞相以

下皆鞠躬

樂作

拜興拜興拜興拜興平身

樂止

贊禮唱

進箋受箋官進至案之東北引班引丞相至案前丞相
跪捧箋興與宣箋官展箋官由西陞陞西門入至殿內
置于案退立于殿南正中內贊唱跪贊禮唱衆官皆跪
丞相與丹墀百官皆跪內贊唱宣箋宣箋官詣案前取
箋跪宣于殿西展箋官同跪展箋宣箋官宣箋畢俯伏
興退立於西展箋官以箋復于案退立于西內贊贊禮

同唱俯伏興丞相與百官皆俯伏興平身丞相與宣箋
官展箋官由殿西門出西陞降復位贊禮唱鞠躬拜興
拜興拜興拜興平身丞相以下皆鞠躬樂作拜興拜興
拜興拜興平身樂止贊禮唱禮畢引進啓禮畢舍人舉
箋案出皇太子興樂作引進引還宮樂止引禮引文武
官以次出

冊親王丹
墀版位

文官侍立位

引班

引班

冊

明集禮卷二十一 三十三

位正侍官武

引班

引班

護衛 護衛 護衛 護衛 護衛 護衛 護衛 護衛 護衛 護衛

宿衛鎮撫

護衛 護衛 護衛 護衛 護衛 護衛 護衛 護衛 護衛 護衛

宿衛鎮撫

丹陛版位

明集禮卷三十一 三十四

兵仗

禁衛

天武將軍

天武將軍

龍驤

龍驤

龍驤

龍驤

位拜五親

贊禮

贊禮

光祿司官三員

光祿司官三員

司馬

龍驤

龍驤

龍驤

龍驤

龍驤

龍驤

龍驤

龍驤

拱衛司官

拱衛司官

天武將軍

天武將軍

將軍

將軍

將軍

將軍

將軍

將軍

門

門

門

殿上版位

明集禮卷二十一 三十五

王受冊寶科位

內贊

贊

授冊贊官

授冊贊官

捧建冊贊官

捧建冊贊官

讀冊贊官

讀冊贊官

捧詔官

捧詔官

捧詔官

班文官侍從

班文官侍從

皇太子

御座

御座

明集禮卷二十一